



**ÒDONANS DIJANS NIMEWO 23  
KONTE PALM BEACH COVID-19  
RESTRIKSYON REVIZE SOU LÈ OPERASYON POU SÈVI MANJE AK/OSWA  
ALKÒL POU KONSOMASYON SOU PLAS AK LÒT LÈ BIZNIS**

**KONSIDERAN**, COVID-19 la, yon maladi respiratwa yon viris lakòz ki gaye rapidman sòti nan yon moun ale nan yon lòt epi ki ka lakòz maladi grav oswa lanmò, reprezante yon menas klè ak aktyèl pou lavi, sante, byennèt ak sekirite moun nan Konte Palm Beach yo; epi

**KONSIDERAN**, nan dat 9 mas 2020, Gouvènè Ron DeSantis, te pibliye yon Dekrè Egzekitif 20-52 ki deklare yon eta dijans pou Eta Florid akòz COVID-19 la; epi

**KONSIDERAN**, nan dat 13 mas 2020, dapre Seksyon 252.38(3)(a)(5), Lwa Florid yo, Konte Palm Beach te deklare yon Eta Dijans lokal akòz pandemi kowonaviris la ki te pwolonje depi lè a nan respè ak lwa ki aplikab yo; epi

**KONSIDERAN**, nan dat 24 mas 2020 Gouvènè Ron DeSantis, te pibliye tou Dekrè Egzekitif 20-83 ki mande Chirijyen Jeneral Eta a ak Ofisye Sante Eta a pou pibliye yon avi sante piblik pou moun ki aje yo ak moun ki gen kondisyon medikal grav kache ki mete yo nan pi gwo risk pou gen maladi grav nan COVID-19 la pou rete lakay yo. Kondisyon sa yo gen ladan, men pa limite ak, maladi kwonik nan poumon oswa opresyon modere rive nan grav; kondisyon kadyak grav; sitiwayon iminodeprime, ki gen ladan sila yo ki nan tretman kansè; ak obezite grav; epi

**KONSIDERAN**, Gouvènè Ron DeSantis te pibliye yon seri Dekrè Egzekitif an repons ak pandemi COVID-19 la, ki gen ladan Dekrè Egzekitif 20-112, yon Faz 1: Plan Entèlijans, San Danje, Etap pa Etap pou Retablisman Florid la, kote Gouvènè a te re-ouvri kèk biznis; Dekrè Egzekitif 20-120 ki, pami lòt bagay, te sèvi pou ajoute Konte Palm Beach nan kad Faz 1 an; ak Dekrè Egzekitif 20-123 kote Gouvènè a te pwolonje ak mennen tout konte Florid yo nan Faz 1 Konplè a; epi

**KONSIDERAN**, Konte Palm Beach rete nan Faz 1 an akò ak Dekrè Egzekitif 20-123 ak Dekrè Egzekitif 20-139 ke Gouvènè DeSantis te pibliye nan dat 3 jen 2020. Restriksyon yo nan Faz 1 an pèmèt gen plas pa anndan nan restoran yo nan 50% kapasite avèk repatisyon apwopriye anplas ant pati yo. Plas pa deyò yo ak sèvis pou anpòte yo otorize; sepandan, kontwa ba yo rete fèmen pou chèz, epi manje nan ba nan restoran yo pa otorize. Ba ak klèb de nwi yo rete fèmen nan Konte Palm Beach; epi

**KONSIDERAN**, Konte Palm Beach te gen yon gwo ogmantasyon nan kantite ka pozitif pou COVID-19 nan fen mwa me, jen ak jiyè, ak anpil estrateji pou kontwole viris la ki gen ladan men pa limite ak restriksyon sou operasyon biznis ak evènman yo, pwoteksyon figi ak distans sosyal, egzijans netwayaj ak ijyèn, tès ak edikasyon piblik te itilize pou ralanti pwopagasyon viris la; epi

**KONSIDERAN**, Òdonans Dijans 20-018, te pibliye nan dat 11 out 2020, pami lòt bagay, te entèdi etablisman yo pou sèvi manje ak/oswa alkòl pou konsomasyon sou plas ant lè 11:00 p.m. ak 5:00 a.m. epi te òdone fèmte pak lwazi; kava, kratom ak ba ak salon ki similè, salon bankè ak sal bal nan entèval lè sa yo; epi

**KONSIDERAN**, entèvansyon ki mansyone anwo yo, epi konsidere done ak endikatè ki pi resan ki gen rapò ak COVID-19 nan dat 1ye septanm 2020, Konsèy Manm Komisyon Konte a detèmine li te apwopriye pou amande Òdonans Dijans 20-018 la pou redui inèdtan nan lè restriksyon ki mansyone anvan yo ki gen pou wè ak sèvi manje ak/oswa alkòl pou konsomasyon sou plas, ki modifiye entèdiksyon pou nan espas la ant lè 12:00 a.m. ak 5:00 a.m.; epi

**KONSIDERAN**, Administratè Konte a te detèmine tou ke menm ajisteman nan lè operasyon yo garanti pou operasyon pak lwazi, kava, kratom ak ba ak salon ki similè, salon bankè ak sal bal ki gen otorizasyon pou fonksyone; epi

**KONSIDERAN**, seksyon 6(k) Òdonans Dijans 20-018 la endike, pami lòt bagay, ke etablisman tatouwaj, pèse nan kò ak bwonzaj yo rete fèmten nan dat òdonans sa a, sepandan, annapre, Konte a te pibliye Òdonans Dijans 20-022 ki otorize re-ouvèti etablisman sa yo; epi

**KONSIDERAN**, rezon Òdonans Dijans sa a se pou sèlman modifiye restriksyon ki aplikab sou lè a ki nan Òdonans Dijans 20-018 la ak pou pote klarifikasyon nan seksyon 6(k) ki mansyone anwo yo, li pa gen entansyon pou, ni li pa dwe entèprete pou, otorize re-ouvèti okenn biznis ki aktyèlman entèdi fonksyone.

**KOUNYE A, PA KONSEKAN, NOU ÒDONE ISIT LA** dapre Chapit 9, Atik II, Seksyon 9-35 Kòd Konte Palm Beach lan, ansanm ak otorite yo ban mwen nan Deklarasyon Dijans Gouvènè DeSantis te pibliye nan Dekrè Egzekitif 20-52 pa Chapit 252 Lwa Florid yo, Konsèy Manm Komisyon Konte a ak Plan Jesyon Dijans Global lan, ak jan lalwa mande sa, mwen òdone konsa:

1. Konsideran ki anvan yo enkòpore isit la kòm referans.
2. Òdonans sa a aplike nan tout zòn ki entegre ak ki pa entegre nan Konte Palm Beach.
3. Seksyon 4 ak 5 Òdonans Dijans 2020-018 la amande isit la pou ranplase tout referans lè yo sòti nan “ant lè 11:00 p.m. ak 5:00 a.m.” pou tounen “ant lè 12:00 a.m. ak 5:00 a.m.”

4. Sou-seksyon 6k Òdonans Dijans 2020-018 la amande pou retire referans pou etablisman tatouwaj, pèse nan kò ak bwonzaj, ki pa fèmen ankò nan Konte Palm Beach. Tout lòt dispozisyon nan Seksyon 6k yo pa chanje.
5. Tout lòt dispozisyon Òdonans Dijans 2020-018 la rete anvigè.
6. Cherif Konte Palm Beach lan, lòt ajans pou fè aplike lalwa yo ki gen ladan ajans minisipal pou fè aplike lalwa ak nenpòt lòt pèsònèl lalwa otorize, ki gen ladan, men pa limite ak, pèsònèl ki dekri nan Seksyon 9-37 Kòd Òdonans Konte Palm Beach lan, otorize pou ranfòse Òdonans sa a an akò ak dispozisyon Òdonans Dijans 2020-017 la ak nenpòt amannman ladan.
7. Nenpòt dispozisyon nan òdonans sa a ki gen konfli avèk nenpòt dispozisyon lwa eta oswa federal oswa dispozisyon konstitisyonèl oswa konfli avèk oswa ki gen yon Dekrè Egzekitif Gouvènè oswa Prezidan Etazini ki aktyèl oswa ki pibliye apre ki ranplase yo, ap konsidere kòm pa aplikab epi konsidere kòm separe de òdonans sa a avèk rès òdonans lan ki rete entak ak anvigè. Nan mezi aplikasyon kèk oswa tout dispozisyon òdonans sa a entèdi sou teritwa souvren yon tribi souvren oswa Endyen ke gouvènman federal la oswa eta a rekonèt, aplikasyon sa a ap eskli klèman nan òdonans sa a. Dispozisyon òdonans sa a dwe ranplase dispozisyon espesifik nenpòt Òdonans Dijans Konte a te pibliye ki kontrè oswa ki gen konfli avèk òdonans sa a.
8. Òdonans sa a dwe antre anvigè nan 12:01 a.m. nan dat 4 septanm 2020. Òdonans sa ap ekspire lè Eta Dijans Lokal aktyèl la ekspire, piske lòt òdonans oswa deklarasyon ka pwolonje li, amwenske lòt òdonans te mete fen ladan anvan sa.

**KONTE PALM BEACH**

Pa: [Siyati]  
Administratè Konte

3 septanm 2020  
Dat

**ATESTE  
GREFYE AK KONTWOLÈ**

Pa: [Siyati]  
Grefye Adjwen

**APWOUVE SELON  
SIFIZANS JURIDIK**

Pa: [Siyati]  
Pwokirè Konte